

湘香唱酬集



一九八二年二月版

湘香唱酬集（詩詞）

唱和者：李 知 其 等

香港九龍中央郵局
信箱K七一九號

書名題字：李 立 先生
及篆刻

承印者：快捷印務有限公司
刊贈者：平 遠 堂

（非賣品）

集唐四律 之一及之二

湘潭 李壽岡

花落猿啼又一年

趙嘏

別裁僞體親風雅

杜甫

風景蒼蒼多少恨

劉滄

謂言掛席度滄海

李白

嫩蕊濃花滿日斑

杜甫

幾人猶憶孫宏閣

劉長卿

去日兒童皆長大

竇叔向

玉璫緘札何由達

李商隱

白頭郎吏尚留連

杜牧

暗寫歸心向石泉

羊士諤

春愁黯黯獨成眠

韋應物

忽復乘舟夢日邊

李白

東風吹夢到長安

李白

此客空彈貢禹冠

許渾

早時金盃出人間

杜甫

青鳥殷勤爲探看

李商隱

集唐四律

之三及之四

湘潭 李壽岡

天時人事日相催

杜甫

滄海未全歸禹貢

杜甫

莫因亂世輕依託

杜荀鶴

南極一星朝北斗

杜甫

楊花落盡子規啼

李白

浮世本來多聚散

李商隱

人生代代無窮已

張若虛

今日聖家四海

杜牧

城闕秋生畫角哀

杜甫

將軍猶自舞輪臺

李商隱

豈是君門大開

杜牧

殊方又喜故人來

杜甫

泣向春風憶建溪

李涉

居人不自解東西

杜甫

山靄蒼蒼望轉迷

韓翃

赤簫吹罷好相携

李商隱

一九八二年壬戌版（紀念本）

淵
寶
唱
酬
集

此外如是之聲主人曉之矣故
二年正月歲暮如平 長沙李 三題



(非賣品)

序言

羅世哲

湘香唱酬集，乃湘潭香港十餘教師所作。吾儕論交誼，有四十年前之舊友，有八十年代之新知；論居地，有近寓咫尺，有遠客天涯；論年齒，有方逾知命，有將登大耋者矣。湘水香江，同源五嶺，海內海外，共戴雲天，投天桃以報灼李，傳雙鯉而迎羣鴻，其結爲文字姻緣者宜矣。

夫「人稟七情，應物斯感，感物吟志，莫非自然。」吾儕幾歷滄桑，飽嘗甘苦，故發爲詩

歌，雖難免感喟之詞，然多屬奮發之作。況化雨春風，常潤生花之筆；銀屏電訊，頻傳報捷之音。依閣吟詩，則青山綠水入目；登樓作賦，則國事鄉思盈懷。滾滾源泉，蓋有自矣。

斯集，篇成百八十，字約七千餘，抖擻精神，不拘一格，依從心性，難免粗枝，尚望海內外同志，示我周行。吾儕喜國事之興隆；愛桑榆之美好，將珍惜餘年，勤培桃李，傳書兩地，時聽嚶鳴，此則平生之至樂也。

一九八二年二月一日

歸園

（原載不外如是齋詩詞
草稿庚申本）

李知其

歸去詠孤松，采菊栽榆柳。閑來讀我書，自酌
忘言酒。

和前韻

丁立人

勁節慕蒼松，更栽陶令柳。可人期不來，獨酌
下書酒。

晚志吟

成興齡

吾年將耳順，一事尚無成。覽鏡自嗟吁，皤然
白髮生。牀頭書百卷，圈點待天明。爭奈光陰
逼，豈無兒女情！諸子求真理，百家正爭鳴。

四則貴堅持，謹防左右傾。行船過大海，時聞

海嘯聲；賴有航標指，隨風天際行。道路任坎坷，雨過必天晴。坦然登彼岸，喜極淚縱橫。

和前韻

李知其

奉讀先生賦，妙筆嘆天成；遠道感君意，吟來趣味生。衷言出肝寸，勵志導人明；尋思輕喟語，如見歷煉情。春逢新葉綠，秋念舊蟬鳴，光景隨緣艷，高潔引心傾。文章肅穆事，金石鏗鏘聲。會知歲易過，莫記路難行。江山原無恙，雷雨霽時晴。我自向北望，彩虹天際橫。

同前

羅世哲

一鯉藏雙賦，天衣孰裁成，迢迢山嶽隔，文字姻緣生。剖鯉捧賦讀，不覺天已明，天明不忍

釋，陶鑄得性情。既見凌雲志，又聞流水鳴，
國固山河艷，召賢衆心傾。文章許家國，午夜
聽鷄聲；人生雖易老，蜀道豈難行。江山無限
好，雨後愛天晴。何時一杯酒，筆墨共縱橫。

辛酉除夕座上

齊昌光

碌碌古稀何所有？笑而不答頻搔首。漫道千秋
萬歲名，且樂生前一杯酒。

和前韻

李知其

衆皆苦無誰竟有？悟得過來嗟白首。平生盛會
醉時真，莫負眼前花間酒。

老驥

歐陽覺吾

老驥寧甘伏櫪中，催征鼓動又嘶風。騰蹄躍躍
空千里，猶是沙場昔日雄。

和前韻

李知其

老驥沙場八陣中，雷鳴金鼓護旗風。歸來養志
聊舒步，伏櫪寧爭一丈雄？

雨湖夕照

張石頑

堤柳含煙對夕暉，游人愛晚不知歸。歌聲墜入
芙蓉水，浣作柔情繞岸飛。

和前韻

羅世哲

夕陽無限好光暉，孫稚牽衣那肯歸。乳燕明知

天色晚，猶向湖心款款飛。

同前

丁立人

煙靄湖光映夕暉，貪看晚景自忘歸。征鴻似解
游人意，猶繞蘆花淺水飛。

同前

李知其

料得湖光夕照暉，煙霞好景奈難歸。南來鬧市
迷途燕，長念雛年陌上飛。

同前

易森榮

湖水粼粼浸碧暉，風絲煙柳醉忘歸。多情猶有
呢喃燕，故向人前款款飛。

逍遙

（原載不外如是齋詩詞
草稿庚申本）

李知其

煙火九間擾攘身，詩文書畫慰勞人。隨緣善作
今生業，來世逍遙自有因。

和前韻

丁立人

書劍相隨是此身，喜將詩畫慰勞人。天涯何處
無芳草？四海爲家亦有因。

岳松

歐陽覺吾

鶴骨蚪枝不老身，樂山岳立出風塵。歲寒知己
惟梅竹，肯與繁花競逐春。

和前韻

李知其

峭壁岳松樸拙身，風雲洗脫濁煙塵。飄香媚眼
輸千樹，點綴山河四季春。

贈李知其

張健夫

黃葉秋風薄暮寒，人生幾度倚欄杆。
天中月色齊翹首，潭水香江兩地看。

答張健夫

李知其

塵海風波霧水寒，黃花悄傍竹籬杆。
銷魂莫道疏枝瘦，逸氣須憑慧眼看。

駕鵞

歐陽覺吾

蓮開並蒂葉田田，輝映文禽羽更妍。
蘭芷沙汀長與伴，于飛萬里艷陽天。

和前韻

李知其

蓮下鴛鴦淥水田，優游顧盼弄姿妍。雙雙並說
心情好，只爲風閑浪寂天。

褒貶

（原載不外如是齋詩詞
草稿庚申本）

李知其

高風亮節招時謗，粉墨登場號聖賢。青史是非
難論定，蓋知恩怨有前緣。

和前韻

成與齡

曲直是非今溯古，但憑實踐辨愚賢。漫言青史
難評說，恩怨分明證夙緣。

客旅

（原載不外如是齋詩詞
草稿庚申本）

李知其

涉水跨山羈遠路，長年無日不思家。雲移草偃

西風急，遊子歸程詠落花。

和前韻

羅世哲

香江此去無多路，南國吾家亦汝家。一夜春風吹化雨，人間種遍自由花。

同前

易森榮

文章海內心心印，詞客天涯處處家。我愛先生情不倦，齋留餘韻筆生花。

同前

田翠竹

香港湘江千里遠，天涯粟里各爲家。詩情卻比春光好，墨瀋淋漓釀百花。

同前

歐陽覺吾

粵海故園長入夢，卅年去國未忘家。料因紅豆

牽鄉思，愛汝春城處處花。

同前

張健夫

勸君莫憚歸來遠，翹首神州處處家。報道故園春色艷，杜鵑聲里滿山花。

同前

曾凡夫

寄語天香雲外客，此心安處便爲家。辛勤朝夕栽桃李，應少閑情詠落花。

同前

成與齡

五湖四海皆師友，綠水青山處處家。難得焦桐驚逸響，遂教江夢筆生花。

同前

張石頑

露滴珍珠敲木葉，楓燒野火照人家。秋來問訊